

Codex Laureshamensis Teil: Bd. 1, Einleitung, Regesten, Chronik Nr. 58 (Reg. 3554)

Diligendae in Christo filiae sanctae dei aecclesiae Cunigundae venerandae matronae, Hatto gratia dei humilis archiepiscopus et abb. Venerandae atque honorabili petitioni tuae cum consensu fratrum fideliumque nostrorum ac benivolentia libenter annuimus, atque res proprietatis tuae in villis seu terminis Niwenheim, Strazheim, atque in Westheim, a te sancto Nazario cum omni integritate traditas, et insuper ex parte sancti N. monasterium sanctimonialium, cognomento Rothada, cum omnibus ad se legitime pertinentibus, ad dies vitae tuae tibi in beneficium concedimus, quatinus utrasque res absque omni preiudicio et inquietudine teneas et excolas, et in censum singulis annis in festo sancti N. ob recordationem solidos X exinde soluere non neglegas. Post obitum vero tuum utraeque res bene melioratae et auctae ad sanctum Nazarium revertantur, et tam tua quam senioris tui Rutberti memoria apud nos perpetim ex hoc habeatur. Actum in monasterio Lauresham anno dominicae incarnationis DCCCC⁰III⁰. Indict. VI^a. Anno IIII^a Hludouuici regis, filii Arnolphi imperatoris augusti, sub die XI^a kl. decemb. Signum Hattonis archiepiscopi et abbatis. Signum Cunigundae. Signum Husi et Heimonis monachorum, et aliorum. Ego itaque Kazo indignus monachus et diaconus, hanc prestariam ex iussu domni Hattonis archiepiscopi et abbatis depinxi, diemque et tempus ut supra titulavi.

Idem quoque archiepiscopus Hatto predium Riamnis sancto Nazario hoc modo adtraxit.